

# Ki trabao e brasilero di 8 mil Dollar pa luna ta bay haci?

ORANJESTAD (AAN) Gobierno di MEP tin cu bay duna cuenta na pueblo pagador di belasting riba e escandalo di pagamento di 8 mil Dollar pa luna na un brasilero kende a aparece riba fotonan cu ministro Rudy Croes y dilanti e institucion cu a duna un titulo academico na ministro

Rudy Croes. E storia di e titulo ya caba pa tur hende ta conoci, pero loke pueblo awor kier sa y tin tur derecho riba dje ta, pa gobierno bay duna cuenta pakico nan ta paga un brasilero 8 mil Dollar pa luna?

Manera lectornan mes por a

saca afor di documento publica ayera den edicion di DIARIO, cu e brasilero a haya un contract pa termino di un aña cual ta yega na e suma di 96 mil Dollar.

Pregunta awor ta; kico e brasilero Montival da Silva Santos ta bay haci pa Aruba cu gobierno por hustifica un salario di 8 mil Dollar pa luna?

Na Brazil e persona Montival da Silva Santos tabata gana un salario di 8 mil Dollar pa luna of mas?

Cuanto experto Arubiano tin ta cana rond riba nos isla y tambe den exterior cu por a haya tambe e contract di 8 mil Dollar pa luna?

Rumornan a cuminsa core caba cu den MEP tin tension grandi entre Rudy y Nel pa cu e asunto di titulo academico pasobra ta Nel lo tabata esun cu tabata pa haya e titulo academico y no Rudy y ta for di unda e documentonan a leak?

## Decision a cay! Michael Williams riba lista di OLA!



ORANJESTAD (AAN) DIARIO a ricibi e noticia oficial cu Michael Williams, antes campanador di MEP, awor ta riba e lista di OLA. Hopi popular na Oranjestad, Dakota, San Nicolas, y otro distritonan di Aruba, Michael ta un soldat mas den e ejercito di progreso di OLA. Hunto cu Mr. John v/d/

Kuyp, Glenbert, Danny v/d/ Linden, y otro politiconan di peso, Michael lo sa di hiba e mensahe di OLA pa tur su seguidornan. Hopi activo den deporte, e ta un di e promotornan mas reconoci na Aruba, y su presencia riba e lista di OLA ta pronostica adelantonan grandi pa e mundo deportivo Arubiano.

## Anochi informativo pa e delegacion Aruba cla pa participa den e Weganan di Reino 2005 na Curacao

ORANJESTAD (AAN): E fundacion di Stichting Koninkrijksspelen Aruba (SKA) ta participa na tur e integrantenan di e delegacion di Wega di Reino, cu diahuebs venidero, 14 di juli lo tene un anochi informativo den ballroom di Wyndham Hotel di 7'or pa 9'or di anochi.

E anochi aki ta pa tur atleta cu lo representa Aruba den e Weganan di Reino hunto cu nan mayor, y alavez pa tur e lidernan deportivo cu lo acompaña nan durante nan estadia na Curaçao.

Durante e anochi aki, e hefe di delegacion lo duna e informacion necesario, y esnan presente por lansa nan preguntanan.

Tambe e hefe di Comision Medico lo duna un charla ariba e trabaonan cu nan a haci durante e preparacion di

e diferente seleccionnan, y e lo papia ariba e peligran di consumo di droga door di atletanan.

Finalmente lo presenta e uniform oficial di e delegacion di Aruba.

Miembronan di prensa tambe ta keda cordialmente invita pa presencia e reunion informativo aki.

# SUPLA Y NO CHUPA!!



**LAS AMERICAS**

(Near Burger King)  
Playa (Caya Grandi)  
Tel: 582-1576



Hopi Tas antes  
Afl. 45/40/35/30,=  
Awor tur Afl. 15,=

Desde H  
cia cu J  
gradua c  
atende  
Tasman  
fungi do  
do di e s  
E ta ric  
Raquel,  
tambe d  
famia s  
felicita  
Maria ke  
pal.

A heart  
Lispier fi  
in Aruba  
the U.S.  
13th of J  
coming  
vacation  
Then he  
Italy.